



Apequteqaat aallaavigalugu siunnersuut, qanoq ililluta kalaallit sakkutuunngorsinnaanerannut periarfissat qulakkeersinnaanerivut, aammalu taamatut Illersornissap iluani ingerlariaqqiffiusinnaasunik ilinniakkanut isersinnaaneq qulakkeersinnaaneripput.

(Inatsisartunut ilaasortaq Anna Wangenheim, Demokraatit)

Demokraatit Inatsisartunut ilaasortaataannut Anna Wangenheim-imut siunnersuummut qujanaq.

Demokraatit isumaqarput, pingaartuusoq, kalaallit inuusuttut sakkutuunngorsinnaanerannut periarfississallugit. Sakkutuujuneq periarfissaavoq pitsaasoq, sakkutuujunerup qanoq inneranik misiliiffiusinnaasoq, periarfissatsialaallunilu Illersornissami ingerlaqqiffiusumik ilinniagaqarnissamut.

Pakatsissutigaaara, Naalakkersuisut akissuteqaatiminni sakkutuunngorsinnaanermut isumartik saqqummiutitngimassuk. Tassani Naalakkersuisut oqaluttuariinnarpaat, malittarisassat ullumikkut qanoq ittuunersut. Maqaasivara, Naalakkersuisut apeqqummut qanoq isumaqarnerat. Taamaattumik Naalakkersuisut piumaffigisariaqarpakka ersarissumik akissuteqassasut, qanoq isumaqarfiginerlugu, kalaallit inuusuttut sakkutuunngorsinnaanermut misilitsinnermut periarfissinneqarsinnaanerannut.

Demokraatit isumaat ersarippoq; kalaallit inuusuttut periarfissinneqassapput sakkutuunngorniarnissaminnut. Pitsaanerpaassaaq maani nunatsinni sakkutuunngorsinnaanermut misilitsinnerit ingerlanneqaqqilerpata. Taamaattumik Naalakkersuisut ersarissumik akeqquakka, Illersornissami oqartussaasut oqaloqatigisimaneraat maani nunatsinni sakkutuunngorsinnaanermut misilitsinnerit neqeroorutigineqarsinnaanerannut.

Eqqaamassavarput, Naalakkersuisut tassaammata, Illersornissamut oqartussaasunut piumasaqarsimasut sakkutuunngorsinnaanermut misilitsinnerit Kalaallit Nunaanni unitseqqullugit, taamaasiornermikkullu kalaallit inuusuttut periarfissaarullugit. Nuannissagaluarpooq paasissallugu Naalakkersuisut aalajangikkap taassuma allanngortinnissaanut piumassuseqarnersut.

Tassalu Demokraatit oqallinnermut tassunga isummersuutigigallagaat.